



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SETSWANA PUOTLALELETSO YA NTLHA (FAL)

PAMPIRI YA BORARO (P3)

2023

KAEDI YA GO TSHWAYA

MADUO: 100

Kaedi ya go tshwaya e, e na le ditsebe di le 16.

ELA TLHOKO:

- Dirisa ruboriki ka gale fa o tshwaya tlhamo ya boithamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAACKANYO (Tsibogelo le dikakanyo) Thulaganyo ya dikakanyo tsa ipaakanyo Temogo ya maitlhommo, baamogedi le bokao 30 MADUO	Maemo a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di botlhale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tthamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tlhomamang -Dikakanyo tse di sa tlhapanang e bile di se na boithamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlhelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
		Maemo a kwa tlase	25–27 -Tsibogelo e e manontlhotlho, mme e tlhabela ditlhokego tse di tsibosang tsa tlhamo ya maemo a dinaledi -Dikakanyo tse di botlhale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tthamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang, mme e latlhelgelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (tsweleditswe)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<p>PUO, SETAELE LE GO TSELEGANYA/ RUNA</p> <p>Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto</p> <p>15 MADUO</p>	<p>Maemo a a kwa godimo</p>	<p>14–15</p> <p>-Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo</p> <p>-Puo e e tlhololo, e itumedisa ka maemo a a tlaaolegileng</p> <p>-Segalo se se nang le maikaelelo a a tlhotlheletsang</p> <p>-Ga go na diphoso tsa thutapuo le tsa mopeleto ka gotlhe</p> <p>-Puo e e manontlhotlho ya maemo a a kwa godimo</p>	<p>11–12</p> <p>-Segalo, rejisetara, setaele le tlotlofoko di maleba thata le maikaelelo, baamogedi le bokao</p> <p>-Puo e nonofile le tiriso ya segalo e maleba</p> <p>-Bogolo jwa yona ga bo na diphoso tsa thutapuo le mopeleto</p> <p>-Puo e tshamilwe ka matsetseleko</p>	<p>8–9</p> <p>-Segalo, rejisetara, setaele le tlotlofoko di maleba le maikaelelo, baamogedi le bokao</p> <p>-Tiriso e e maleba ya puo go tshagisa bokao</p> <p>-Segalo se maleba</p> <p>-Tiriso ya malepa a a tlhotlheletsang ya go tshagisa diteng</p>	<p>5–6</p> <p>-Segalo, rejisetara, setaele le tlotlofoko ga di maleba le maikaelelo, baamogedi le bokao</p> <p>-Tiriso ya puo ke ya maemo a motheo thata</p> <p>-Segalo, tlhopho le tiriso ya mafoko e e seng maleba</p> <p>-Tlotlofoko e lekanyeditswe thata</p>	<p>0–3</p> <p>-Puo ga e tshaloganyesege</p> <p>-Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao</p> <p>-Tlotlofoko e nnye thata, mme e dira gore go nne thata go tshaloganya</p>
		<p>Maemo a a kwa tlase</p>	<p>13</p> <p>-Puo e e matsetseleko ya tlhotlheletso e e nonofileng mo segalong</p> <p>-Ga e na diphoso tsa thutapuo le tsa mopeleto ka gotlhe</p> <p>-E tshamilwe ka manontlhotlho</p>	<p>10</p> <p>-Puo e e ngokang e bile e nonofile ka kakaretso</p> <p>-Segalo se se siameng se nonofile</p> <p>-Diphoso tse di mmalwa tsa thutapuo le mopeleto</p> <p>-E tshamilwe bontle</p>	<p>7</p> <p>-Tiriso ya puo e e mo magareng, ka go tlhoka tsepamo</p> <p>-Segalo se siame ka kakaretso le tiriso e e lekanyeditsweng ya malepa a tlhotlheletso</p>	<p>4</p> <p>-Tiriso e e bokoa ya puo</p> <p>-Mefuta ya dipolelo e mennye kgotsa ga e teng gotlhelele</p> <p>-Tlotlofoko e e lekanyeditsweng tota</p>
<p>KAGEGO</p> <p>Diponagalo tsa sethangwa Kago ya ditemana le go tshangwa ga dipolelo</p> <p>5 MADUO</p>		<p>5</p> <p>-Kago e e manontlhotlho ya setlhogo</p> <p>-Dintlhana tse di tlaaolegileng</p> <p>-Dipolelo le ditemana di bopilwe bontlentle</p>	<p>4</p> <p>-Kago e e latelanang ya dintlhana</p> <p>-Lomagane</p> <p>-Dipolelo le ditemana di a latelana, di a farologana</p>	<p>3</p> <p>-Kago ya dintlhana tse di maleba</p> <p>-Dipolelo le ditemana tse di bopilweng sentle</p> <p>-Tlhamo e sa ntse e na le tshaloganyo</p>	<p>2</p> <p>-Go na le dintlha dingwe tse di amogelesegang</p> <p>-Dipolelo le ditemana di fosagetse</p> <p>-Tlhamo e sa ntse e na le tshaloganyo</p>	<p>0–1</p> <p>-Dintlha tse di botlhokwa di a tshaela</p> <p>-Dipolelo le ditemana di fosagetse</p> <p>-Tlhamo e tlhoka tshaloganyo</p>

RUBORIKI YA TLHATLHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tliaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulagangwe Maitlhommo, baamogedi, diponagalo/melawana le tiriso MADUO 18	15–18 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di bothhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	11–14 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	8–10 -Tsibogelo e e lekaneng e e bontshang kitso ya diponagalo tsa mofuta wa setlhangwa - Go na le tsepamo e e rileng – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	5–7 -Tsibogelo e e kwa tlase e e supang kitso ya diponagalo tsa mofuta wa setlhangwa - Ga e a tsepama ka gotlhe, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–4 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/RUNA Segalo, rejisetara, setaele, maitlhommo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 12	10–12 -Segalo, rejisetara, setaele le tlotlofoko tse di lolameng thatathata le maitlhommo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	8–9 -Segalo, rejisetara, setaele le tlotlofoko tse di lolameng thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	6–7 -Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	4–5 -Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolameng ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–3 -Segalo, rejisetara, setaele le tlotlofoko ga di tsamaisane le maitlhommo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlhommo -Bokao bo kgoreletsegile tota
SEELO SA MADUO	25–30	19–23	14–17	9–12	0–7

RUBORIKI YA TLHATLHOBHO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA KAROLO YA C [20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<p>DITENG, THULAGANYO LE SEBOPEGO</p> <p>Tsibogelo le dikakanyo Kokoanyo ya dikakanyo gore go rulaganngwe Maitlhommo, baamogedi, diponagalo/melawana le tiriso</p> <p>MADUO 12</p>	<p>10–12</p> <p>-Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse</p>	<p>8–9</p> <p>-Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye</p>	<p>6–7</p> <p>-Tsibogelo e e lekaneng e e bontshang kitso ya diponagalo tsa mofuta wa setlhangwa -- Go na le tsepamo e e rileng - go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng</p>	<p>4–5</p> <p>-Tsibogelo e e kwa tlase e e supang kitso ya diponagalo tsa mofuta wa setlhangwa - Ga e a tsepama ka gotlhe, mme kwalo e fapogile setlhogo -Diteng le dikakanyo ga di lomagane ka gale. -Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlolesiwa matlho go go tseneletseng</p>	<p>0–3</p> <p>-Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegile ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego</p>
<p>PUO, SETAELE LE GO TSELEGANYA/ RUNA</p> <p>Segalo, rejisetara, setaele, maitlhommo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto</p> <p>MADUO 08</p>	<p>7–8</p> <p>-Segalo, rejisetara, setaele le tlotlofoko tse di maleba thatathata le maitlhommo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele</p>	<p>5–6</p> <p>-Segalo, rejisetara, setaele le tlotlofoko tse di maleba thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso</p>	<p>4</p> <p>-Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao</p>	<p>3</p> <p>-Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile</p>	<p>0–2</p> <p>-Segalo, rejisetara, setaele le tlotlofoko ga di tsamaisane le maitlhommo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlhommo -Bokao bo kgoreletsegile tota</p>
SEELO SA MADUO	17–20	13–15	10–11	7–8	0–5

GO KWALA LE GO TLHAGISA**KAROLO YA A: TLHAMO: MADUO – 50**

DINOMORO TSA DIPOTSO	DITLHOGO	MEFUTA YA DITLHAMO
1.1	Masetlapelo a dikhuduego tsa Lwetse 2021.	Tlhaloso
1.2	Ke iphitlhetse ke le mo gare ga naga.	Kanelo
1.3	Botshelo ga bo monate kwa ntle ga madi. Dumela kgotsa ganela	Ngangisano
1.4	Botlhokwa jwa go itse go dirisa dipuo tse di farologaneng mo nageng ya rona.	Tlhaloso
1.5	Fa nka falola mophato wa materiki ka dinaledi ...	Maitlhommo
1.6	Monate le bosula jwa go bona tiro pele o fetsa dithuto tsa gago.	E e sa tseyeng letlhakore
1.7 –1.8	Lebelela ditshwantsho tse di latelang, mme o tlhophe se le sengwe go kwala tlhamo.	Kanelo/Tlhaloso/E e sa tseyeng letlhakore/Ngangisano/Maitlhommo

KAROLO YA B: DITLHANGWA TSE DILEELE TSA TIRISANO: MADUO – 30

DINOMORO TSA DIPOTSO	MOFUTA WA SETLHANGWA
2.1	Lekwalo la botsalano
2.2	Tsa botshelo jwa moswi
2.3	Pegelo
2.4	Mmuisano

KAROLO YA C: DITLHANGWA TSE DIKHUTSHWANE TSA TIRISANO: MADUO – 20

DINOMORO TSA DIPOTSO	MOFUTA WA SETLHANGWA
3.1	Phousetara
3.2	Dikaelo
3.3	Phasalatso

PALOGOTLHE:**100**

KAROLO YA A: TLHAMO**MEFUTA YA DITLHAMO****GO TSHWAYA TLHAMO**

- Tlhamo e se abelwe maduo go sena bopaki jwa gore e buisitswe.
- Maduo a bofelo a tlhamo a tshwanetse gore a bo a netefaditswe.
- Motlhatlhojwa a se sokelwe dirope fa a sa kwala bolelee jo bo lebeletsweng, motshwai a ele tlhoko kelelo le bosupi jwa boithamede.
- Go se nne le dikotlhao tse dingwe gone ruburiki ka bo yona e na le dikotlhao tsa yona.

1.1 TLHAMO YA TLHALOSO

Mokwadi mo tthamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Setlhogo	Dintlha tse di solofetsweng
Masetlapelo a dikhuduego tsa Lwetse 2021.	<ul style="list-style-type: none"> ✓ Motlhatlhojwa a tlhagise tshimologo ya dikhuduego. ✓ Motlhatlhojwa a tlhalose ditshenyegelo tse di bakilweng ke dikhuduego. ✓ Motlhatlhojwa a tlhagise dintsho tse di nnileng teng. ✓ Motlhatlhojwa a tlhagise maitemogelo a gagwe ka dikhuduego.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimolole.
- Motlhatlhojwa a bontshe fa a na le maitemogelo ka setlhogo se.

[50]**1.2 TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Ke iphitlhetse ke le mo gare ga naga.	<ul style="list-style-type: none"> ✓ Motlhatlhojwa a bue ka tshimologo ya loeto lwa gagwe. ✓ Motlhatlhojwa a ka bua ka se se tlhotlheleditseng gore a tseye loeto. ✓ Motlhatlhojwa a ka bua ka se se diragetseng gore a iphitlhele a le mo gare ga naga. ✓ Motlhatlhojwa a ka bua ka maitemogelo a gagwe fa a le mo gare ga naga. ✓ Motlhatlhojwa a ka bua gore go tllile jang gore a tswa mo nageng.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

[50]**1.3 TLHAMO YA NGANGISANO**

Mo tlhamong e, motlhatlhojwa o tlhagisa kakanyo, ntlhakemo, mme a nganga ka maitlhamo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Setlhogo	Dintlha tse di solofetsweng
Botshelo ga bo monate kwa ntle ga madi. Dumela kgotsa ganela	<ul style="list-style-type: none"> ✓ Motlhatlhojwa a tlhagise gore a o dumalana le setlhogo kgotsa nnyaya. ✓ A tlhagise dintlha tse di tlhotlheleditseng ntlhakemo ya gagwe. ✓ Motlhatlhojwa a tlhagise dikgwetlo tse a di itemogetseng ka ntlha ya go tlhoka madi. ✓ Motlhatlhojwa a ka tlhagisa monate o o tlišiwang ke go nna le madi. ✓ Motlhatlhojwa a ka eletsa batho ka tirisobotlhaswa ya madi.

Kaedi ya go tshwaya: Tlhamo ya ngangisano

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsisa ntlhakemo ya gagwe, mme a tlhalose se.
- Tlhamo e, e tlhagisa letlhakore le le lengwe, mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletse mmuisi go dumalana le se se tlhagisitsweng. Tlhamo ya mofuta o, e kwalwe ka pakajaanong.

[50]

1.4 TLHAMO YA TLHALOSO

Mokwadi mo tthamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Setlhogo	Dintlha tse di solofetsweng
Botlhokwa jwa go itse go dirisa dipuo tse di farologaneng mo nageng ya rona.	<ul style="list-style-type: none"> ✓ Motlhatlhojwa a re tlhalosetse mefuta ya dipuo tse a di itseng. ✓ Motlhatlhojwa a tthagise mabaka a a tlhotlheletsang gore batho ba itse dipuo tse di farologaneng. ✓ Motlhatlhojwa a ka bua ka mosola wa go itse dipuo tse di farologaneng. ✓ Motlhatlhojwa a ka digela ka go rotloetsa batho go ithuta dipuo ka go farologana.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo ka setlhogo se.

[50]

1.5 TLHAMO YA MAITLHOMO

Mo mofuteng o wa tlhamo, motlhatlhojwa o leba kakanyo, a bo a tthagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Setlhogo	Dintlha tse di solofetsweng
Fa nka falola mophato wa materiki ka dinaledi ...	<ul style="list-style-type: none"> ✓ Motlhatlhojwa a ka tlhalosa botlhokwa jwa go falola mophato wa materiki. ✓ Motlhatlhojwa a tlhalose se a tlleng go se dira gore a tle a bone dinaledi. ✓ Mabaka a a dirang gore a eletse go nna le materiki. ✓ A ka tthagisa dikgwetlho tse di leng teng mo go faloleng materiki. ✓ A ka tthagisa gore ke diphetogo dife tse a tlleng go di dira morago ga go falola mophato wa materiki.

Kaedi ya go tshwaya: Tlhamo ya maitlhamo

- Tlhamo ya maitlhamo e tseye letlhakore.
- Maikutlo a tsaya karolo e e botlhokwa.
- Karolo e kgolo mo tlhamong ke go tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

[50]**1.6 TLHAMO E E SA TSEYENG LETLHAKORE**

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano, matlhakore a lekalekane.

Setlhogo	Dintlha tse di solofetsweng
Monate le bosula jwa go bona tiro pele o fetsa dithuto tsa gago.	<ul style="list-style-type: none"> ✓ Motlhatlhojwa a re tlhalosetse ka dithuto tsa gagwe. ✓ A tlhagise maikaelelo a gagwe mo dithutong. ✓ Motlhatlhojwa a re tlhalosetse ka monate wa go dira a ntse a tsena sekolo. ✓ A tlhagise dikgwetlho tse di ka nngang teng fa motho a dira e bile a tsena sekolo ka nako e le nngwe. ✓ Motlhatlhojwa a tlhagise bosula jwa go dira o ntse o tsena sekolo. ✓ Motlhatlhojwa a ka khutlisa ka go rotloetsa barutwana ba bangwe jaaka ena go nna pelotelele mo botshelong.

Kaedi ya go tshwaya: Tlhamo e e sa tseyeng letlhakore

- Setlhogo se tshwanetse go tlhalogangwa sentle.
- Go botlhokwa gore se motlhatlhojwa a se buang kgotsa a se tlhagisang se tshagediwe ka dintlha tse di lekalekanang.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tseneletseng.
- Dikakanyo di rulagane, di lolame, mme di neye tlhaloso go simolola ka tse di itsegeng go ya ka tse di sa itsegeng.

Tlhamo ya mofuta o, e kwalwe ka pakajaanong.

[50]

1.7– Tlhamo ya kanelo/maitlhamo/e e sa tseyeng letlhakore/ngangisano/tlhaloso. **[50]**
1.8

PALOGOTLHE YA KAROLO YA A: 50

KAROLO YA B: DITLHANGWA TSE DILEELE TSA TIRISANO**2.1 LEKWALO LA BOTSALANO**

Lekwalo la mofuta o, ke lekwalo le o tseelang mongwe kgang/motlotlo, go mo leboga, akgola, go mo tsibosa kgotsa go mo eleletsa masego.

Lekwalo la botsalano	Dintlha tse di solofetsweng
Motlhatlhojwa a kwalele tsala ya gagwe lekwalo a mmontshe botlhokwa jwa go tlhaba moento wa COVID 19.	<ul style="list-style-type: none"> ✓ Motlhatlhojwa a kope tsala gore a ye go entela COVID 19. ✓ Motlhatlhojwa a tthagise mabaka a a bontshang botlhokwa jwa moento. ✓ Motlhatlhojwa a tthagise ditiragalo tse di bakiwang ke go sa entele COVID 19. ✓ A tthagise maikutlo a gagwe ka ga moento.

Kaedi ya go tshwaya: Lekwalo la botsalano

- Motlhatlhojwa a kwale aterese le letlha ka botlalo.
- Ditumediso di supe botsalano.
- Matseno a nne maleba le setlhogo.
- Diteng di bontshe kopo.
- Motlhatlhojwa kwa bofelong a ka tthagisa mafoko a a latelang: (Ke nna, Weno).
- Motlhatlhojwa a tthagise leina la gagwe kwa ntle ga sefane.
- Bokhutlo e nne jo bo kgodisang.

[30]**2.2 TSA BOTSHELO JWA MOSWI**

Ke tshedimosetso e e tthagisitsweng ka botlalo fela e le khutshwane, ka ga botshelo jwa yo o tlhokafetseng.

Tsa botshelo jwa moswi	Dintlha tse di solofetsweng
Motlhatlhojwa a thuse ba losika ka go kwala tsa botshelo jwa moswi nkokoagwe yo a tlhokafetseng ka ntlha ya go thulwa ke sejanaga.	<ul style="list-style-type: none"> ✓ Motlhatlhojwa a latele sebopego sa go tthagisa setlhangwa se ka tlhomamo. ✓ Motlhatlhojwa a tthagise gore loso lwa nkokoagwe le bakilwe ke eng. ✓ A dirise puo e e bonolo e bile e tlhaloganyega. ✓ Motlhatlhojwa a ka kwala leboko la kwa gaabo nkokoagwe kwa bofelong.

Kaedi ya go tshwaya: Tsa botshelo jwa moswi

- Motlhatlhojwa a tlhagise tshedimosetso ka dintlha tse di latelang:
- Leina la moswi, letlha la matsalo, batsadi, boagi, dithutego, tiro, seabe mo setšhabeng, kemo ya nyalo jj.
- Motlhatlhojwa a neelane ka tshedimosetso ka botlalo, fela e nne e e maleba.

[30]**2.3 PEGELO**

Pegelo ke tlhaloso e e rulagantsweng ya tiragalo nngwe e e setseng e diragetse. E neelana ka tshedimosetso, go tloga go lephata lengwe go ya go le lengwe. E thusa go boloka molaetsa kgotsa tiragalo nngwe ya botlhokwa mo setheong.

Pegelo	Dintlha tse di solofetsweng
Motlhatlhojwa a kwale pegelo ka dipatlisiso tse a di dirileng jaaka lepodisi le le tshwereng kgetse ya senokwane se se tseneng ka letlhabaphefo la ntlo ya mohumi mongwe wa mo motseng.	<ul style="list-style-type: none"> ✓ Motlhatlhojwa a ka tlhagisa lefelo le nako ya ditiragalo. ✓ Motlhatlhojwa a tlhalose didiriswa tse senokwane se di dirisitseng go senya. ✓ A tlhagise gore baagisane ba ne ba le kwa kae ka nako ya tiragalo. ✓ Motlhatlhojwa a ka bua ka ditshenyegelo tsa mohumi wa mo motseng. ✓ A tlhagise maikutlo a gagwe ka tiragalo ya bonweenwee. ✓ A khutlise ka dikatlenegiso mabapi le tiragalo e.

Kaedi ya go tshwaya: Pegelo

- Motlhatlhojwa a sale dikgato tsa go kwala setlhangwa morago, mme a kwale dintlha tsotlhe.
- Motlhatlhojwa a simolole ka go bopa setlhogo go tswa mo ditaelong, mme a se kwale ka ditlhakakgolo.
- Dintlha tse di latelang di kwalwe ka tatelano: Dintlha tsa tebo, tsamaiso, diphitlhelelo, bokhutlo, dikatlenegiso.
- Ditlhogwana di newe dinomoro gore di tle di fitlhelelwe bonolo.
- Diteng tsa motlhatlhojwa di supe boitlhamedi, kelelo ya dintlha le go tsamaelana ga ditiragalo.
- Motlhatlhojwa a dirise matseno, mmele le bokhutlo sentle.
- Puo le moonno di tsamaelane le ditiragalo.
- Kgang ya motlhatlhojwa e bontshe tshimologo, setlhoa le tharabololo.
- Matshwao a puiso a tsamaelane le puisano.
- Kwa bokhutlong go nne le tshaeno, maemo a mokwadi mmogo le letlha.

[30]

2.4 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba aroganya dikakanyo kgotsa ba buisana ka setlhogo sengwe se se rileng. Sebopego sa yona ke sa dipotsotherisano fela ona o dirwa gongwe le gongwe ke mongwe le mongwe.

MMUISANO	Dintlha tse di solofetsweng
Motlhatlhojwa a kwale mmuisano o o nnileng teng magareng ga morutabana le baithuti ka ga tiriso ya mafaratlhatlha mo dirutweng tse di farologaneng.	<ul style="list-style-type: none"> ✓ Motlhatlhojwa a tlhagise matseno a a ngokang mo mmuisanong. ✓ A tlhagise mefuta e e farologaneng ya mafaratlhatlha. ✓ A tlhagise mosola wa go dirisa mafaratlhatlha mo dithutong. ✓ Motlhatlhojwa a tlhagise se a se ithutileng mo tirisong ya mafaratlhatlha. ✓ Motlhatlhojwa a tlhagise maikutlo ka ga tiriso ya mafaratlhatlha. ✓ A bontshe ka moo a khutlisang mmuisano wa gagwe ka teng.

Kaedi ya go tshwaya: Mmuisano

- Motlhatlhojwa a kwale ka mokgwa o moterama a kwalang ka ona.
- Dibui di nne pedi.
- Motlhatlhojwa a kwale setlhogo se go buisanwang ka ga sona.
- Dipolelo di nne dikhutshwane.
- Diteng tsa motlhatlhojwa di supe boitlhamedi, kelelo ya dintlha le go tsamaelana ga ditiragalo.
- Maina a dibui a tshwanetse go tlhagelela sentle.
- Motlhatlhojwa a dirise matseno, mmele le bokhutlo sentle.
- Kgang ya motlhatlhojwa e bontshe tshimologo, setlhoa le tharabololo.
- Puo le moonono di tsamaelane le ditiragalo.
- Motlhatlhojwa a dirise puo e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

[30]

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**3.1 PHOUSERARA**

Ke pampitshana e nnye e gantsi e tsenngwang mo mabokosong a poso kgotsa e e abiwang mo marakanelong a ditsela/mebila. Gantsi di phasalatsa ditirelo, tiragalo kgotsa kgwebo bogolosegolo e ntšhwa. E abiwa fela kwa ntle ga tuelo.

Phousetara	Dintlha tse di solofetsweng
Motlhatlhojwa a kwalele baagi phousetara a ba kope go tla kopanong e ba tlileng go buisana ka maano a ba ka a dirisang go fedisa bonweenwee jo bo diragalang mo motseng.	<ul style="list-style-type: none"> ✓ Motlhatlhojwa a thale phousetara a laletse batho go tla kopanong e go tlileng go buisanwa ka maano a a ka dirisiwang go fedisa bonweenwee jwa go timela ga batho mo motseng. ✓ A tlhagise dintlha tse di botlhokwa tse di amanang le phousetara tsa go tshwana le leina la balaletsi, tlhaloso ya kopano, letlha la kopano, jalojalo. ✓ Motlhatlhojwa a dirise puo e e maleba e bile e tshwanela motho yo o lalediwang. ✓ Motlhatlhojwa a bontshe dinomoro tsa mogala le lefelo le kopano e tlaa tshwarelwang kwa go lona.

Kaedi ya go tshwaya: Phousetara

- Tshedimose tso e rulaganngwe ka fa tlase ga ditlhogo kgotsa sekaditlhogo.
- Go netefatsa bokao jo bo utlwalang sentle, ditemana di nne dikhutswane.
- Go kwalwe dipolelo tse di bonolo e bile di nne dikhutswane.
- Ditshwantsho di dirisiwe di nyalane le mafoko.
Moono:
- Puo ya pampitshana ya tshedimose tso e nne le dintlha ka segalo se se siameng.
- Fa maikaelelo a pampitshana ya tshedimose tso e le go tlhotlheletsa mmuisi, a puo e e tlhagisang maikutlo e dirisiwe.
- Tshedimose tso ya megala le leina la yo go ka ikgolaganngwang le ena, le tlhagisiwe.

3.2 DIKAELO

Go kaela tsela ke tshedimosetso e e abiwang fa mongwe e ka nna moeng kgotsa moagi yo mošwa mo lefelong le le rileng a batla tsela ya go ya felo gongwe.

Dikaelo	Dintlha tse di solofetsweng
Motlhatlhojwa a kwale dikaelo tse ba tla di salang morago go tloga kwa sekolong se se potlana sa Moretele go fitlha kwa kerekeng ya Grace Bible mo Mabopane.	<ul style="list-style-type: none"> ✓ Motlhatlhojwa a tlhagise matshwao a tsela. ✓ Motlhatlhojwa a ka bua ka dikago tse balalediwa ba tla kopanang le tsona fa ba ya kwa kerekeng ya Grace Bible. ✓ Matlhatlhojwa a ka tlhagisa maina a mebila e ba tlileng go e feta. ✓ Motlhatlhojwa a ka fopholetsa dikilometara go naya balalediwa setshwantsho sa sekgala se ba tlileng go se tsamaya.

Kaedi ya go tshwaya: Dikaelo

- Molaetsa o tlhamalale mo go se o se kopang.
- Go kwalwe dipolelo tse di bonolo le gone di nne dikhutshwane le go tlhaloganyega.
- Maitlhommo a motlhatlhojwa a tlhagelele sentle.
- Motlhatlhojwa a bontshe dinomoro tsa mogala le lefelo le konsarata e tlang go tshwarelwa kwa go lona.

[20]

3.3 PHASALATSO

Phasalatso ke kitsiso e e rileng e e lemosang babuisi ka ga sengwe se se ka nnang botlhokwa mo matshelong a bona.

Mophasalatsi a ka dirisa dikuranta, dimakasine, seyalemowa le thelebišene go lemosa babuisi ka ga kgwebo.

Phasalatso	Dintlha tse di solofetsweng
Motlhatlhojwa a thale phasalatso ya go dira mo faboriking ya diaparo.	<ul style="list-style-type: none"> ✓ Motlhatlhojwa a kwale lefelo le faboriki ya diaparo e ka fitlhelwang mo go lona. ✓ Aterese le dinomoro tsa mogala di tlhagisiwe. ✓ A tlhagise mofuta wa tiro. ✓ Motlhatlhojwa a tlhagise le go dirisa ditogamaano tsa phasalatso a lebisitse mo mefuteng e e farologaneng ya batho. ✓ Motlhatlhojwa a tlhagise kgatlhego le go dira gore phasalatso ya gagwe e ngoke. ✓ Phasalatso e nne maleba le go dira mo faboriking ya diaparo.

Kaedi ya go tshwaya: Phasalatso

- Letshwao la kgwebo le tlhagisiwe sentle.
- Bareki kgotsa badirisi ba ba totilweng.
- Nako ya ditirelo e tlhagisiwe sentle.
- Puo e ngoke babuisi.
- Tshedimosetso ya megala le leina la yo go ka ikgolaganngwang le ena di tlhagisiwe.

[20]

PALOGOTLHE YA KAROLO YA C: 20
PALOGOTLHE YA TLHATLHOBO: 100